

## "Mumma" ei staus siu emprem plaid!

Aschia tuna ei mintgaton, cu ina mumma tschontscha plein legria digl emprem plaid, che siu affon ha detg. Dat ei in meglier, pli bi emprem plaid ch'in affonet sa dir? Gie, "bab" ei naturalmein era fetg bi!



Cons plaids vegnan a suandar sin igl emprem plaid duront l'entira veta d'in carstgaun? E da tgeinin da quels plaids vegn in affon era ad enconuscher la muntada? Carezia, fidonza, segirezia e salvezia, crer, ludar ed engraziar...

Avon ch'in affon pign sa tschintschar, vegnan mintgaton ils emprems plaids, el ver senn dil plaid, mess en bucca ad el (mira il maletg dils dus lullis sura).

Ein quels dus exempels in giavisch dils geniturs? Ein quels plaids ina profezia? Van quels messadis en vigur? In "gie" per forza tut quellas damondas. E quei vegn segir era ad esser aschia duront ils emprems onns digl affon. Mo lu? Silsuentar ston ins mirar e sperar - cun far il pusseivel!

**L'ovra meisterila da Diu  
ei il cor d'ina mumma.**

*A.E.M Gretry*

El profund da mintga cor ei il giavisch da far mo il bien per ils concarstgauns, en special per ils agens affons.

## Mirei, sco las fluras creschan sils praus

Sche jeu patratgel, tschontschel, ni audel il plaid dil meins "matg", vegnan endament a mi adina treis plaids e lur muntada:

1. Maria, la mumma da Diu.

La cara mumma celestia ha il Segner regalau a nus era sco nossa mumma. Con gronda sto esser la carezia tier enzatgi, per dir, che l'atgna mumma ei era tia mumma? Cheutras havein ina relaziun pli ferma, e leutier s'auda tschintschar cun ella, p.ex. el rusari.

2. Mia mumma sco tut las mummis sil mund.

Il di dalla mumma ei il di, che las mummis spetgan in segn d'engraziament. Schi ditg ch'ins ha sia mumma, eis ei bien da mussar l'engrazieivladad viers ella; e quei buca mo il di dalla mumma, mo era mintga di digl onn. Nossas mummis han dau a nus la veta.

3. Las fluras, ch'ei vegnidis uonn in tec bli baul.

El meins da matg han ins il sentiment, che l'entira scaffiziun seigi ussa definitivamein en veta. Savein nus cheu buca s'imaginar, che mintga carstgaun cun sia atgnadad ei sco ina flura unica ell' ierta dalla scaffiziun da Diu? E Dieus ei il hortulan che sez ha semnau, plantau e mira ussa amureivel e beinvulent sin mintga flura. El dat aua per viver. El dat tut il necessari per viver. Tras il sulegl muossa el era la direcziun da crescher.

Sur Peter

**"Cumparegliei las gelgias dil funs co ellas  
creschan: Gnanc Salomon en tut sia splendor era  
vestgius sco ina dad ellas." (Mt 6,28f)**

## Informaziuns per Laax

### Communiun dils malsauns:

Mesjamna, ils 18-05-2011 suentermiezdi

### Fiasta dall'emprema sontga Communiun

Dumengia, ils 15 da matg 2011 astgan 12 affons retscheiver Cristus per l'emprema gada ella sontga Communiun.

### A vus, cars premcommunicants

*Shania Ardüser, Cedric Brunold  
Celine Caduff, Pascal Caduff,  
Rino Cathomas, Janis Coray,  
Vanessa Duque, Jana Neururer,  
Sophia Schöller, Laurin Seelig,  
Curdin Toggenburg, Jonas Urscheler*

**gratulein nus cordialmein e  
giavischein in legreivel e grazius  
di da fiasta en vossas famiglias ed  
en nossa pleiv.**



Nus engraziein cordialmein alla catecheta Regula Caduff che ha preparau ils affons da capir il misteri dalla fiasta cun Jesus, il bien pastur, cun grond sentiment e bia plascher.

### Unfrenda per "IKB"

Ils 15 da matg vegn priu si l'unfrenda per "IKB" (Information kirchliche Berufe). Quei post porscha cussegl ed informaziuns ad interessents pertuccont clamadas ecclesiasticas, scolaziun e formaziun sils differents camps dalla Baselgia.

## Informaziuns per Falera

### Communiun dils malsauns:

Venderdis, ils 06-05-2011 suentermiezdi  
Gievgia, ils 19-05-2011 suentermiezdi

### Devoziun dallas mummas e lur affons

Mardis, ils 10 da matg 2011, allas 16.00h ein tuttas mummas e lur affons cordialmein envidadas a quella devoziun.

### Nozzas a s. Rumetg

Sonda, ils 14 da matg 2011 festiveschan *Christoph Schmid e Agata Cayz* lur di da nozzas. Nus gratulein cordialmein als nozzadurs e giavischein ina fiasta sulegliva, bia cletg e ventira en lur veta matrimoniala.

### Radunonza generala dalla Pleiv

Venderdis, ils 20 d'avrel 2011, allas 20.15 uras ha liug ella Fermata la radunonza generala dalla Pleiv. Cordial invit a tuttas parochianas e tuts parochians.

### Viadi dils seniors

Gievgia, ils 26 da matg 2011 ein tuts seniors envidai cordialmein dall'uniun da dunnas da passentar entginas uras en buna cumpignia.

### Cordiala gratulaziun

Ils 30 da matg 2011 astga *Fred Werner Christen-Piazzoli* festivar siu 80-avel natalezi. Nus gratulein al giubilar e giavischein tut il bien, buna sanadad ed in legreivel di da fiasta.

